

FEDERALNO MINISTARSTVO RAZVOJA, PODUZETNIŠTVA I OBRTA

Strateški cilj: Kreirati uslove za opstanak i razvoj malih i srednjih poduzeća u Federaciji Bosne i Hercegovine

U 2020. godini Federalno ministarstvo razvoja, poduzetništva i obrta poduzet će niz mjera i aktivnosti koje imaju za cilj povećanje broja malih i srednjih poduzeća, poticanje rasta inovativnih i izvozu usmjerenih malih i srednjih poduzeća, kao i stvaranje povoljnijeg poslovnog ambijenta za osnivanje i razvoj subjekata male privrede.

Pored toga, Ministarstvo će i u 2020. godini aktivno raditi na implementiranju Akta o malom biznisu („Small Business Act“ for Europe – SBA) i definisanju okvira politika potpore MSP-a koje se trebaju donositi i razvijati kako bi se poboljšalo poduzetničko okruženje i povećala konkurentnost MSP-a.

Operativni cilj 1.1. Smanjiti administrativne prepreke u poslovanju MSP-a

- Izrada Nacrta i Prijedloga Zakona o poticanju razvoja male privrede u Federaciji BiH
Cilj usklađivanje zakonske osnove sa preporukama Evropske komisije i Akta o malom biznisu („Small Business Act“ for Europe – SBA).
- Izrada Nacrta i Prijedloga Zakona o poduzetničkoj infrastrukturi
Razlozi za pristupanju izradi ovog zakona se prvenstveno ogledaju u nadležnosti ovog Ministarstva nad ovom oblasti male privrede. Također, ovim bi se prvi put zakonski definisali svi oblici poduzetničke infrastrukture, vrste podrške za osnivanje i razvoj ovih institucija, formiranje registra poduzetničkih institucija, načini prikupljanja podataka i izvještavanja za registar poduzetničke infrastrukture koji će biti u ovom Ministarstvu.
- Donošenje zakona o obrtu i srodnim djelatnostima
Cilj je olakšati poslovanje obrtnika u Federaciji BiH i stvoriti ambijent za uspostavu rasta i djelovanje obrtništva, sa nizom podzakonskih akata.

Operativni cilj 1.2. Kontinuirano finansijski podržati mala i srednja poduzeća

Sredstva za realizaciju Programa utroška sredstava s kriterijima raspodjele sredstava tekućih transfera utvrđenih budžetom Federacije Bosne i Hercegovine za 2020. godinu Federalnom ministarstvu razvoja, poduzetništva i obrta u ukupnom iznosu od 5.467.250,00 KM realizirat će se korisnicima sredstava kao nepovratna sredstva, kroz projekte koji za cilj imaju stvaranje povoljnijeg poduzetničkog ambijenta za rast i razvoj MSP-a i povećanje konkurentnosti subjekata male privrede.

U 2020. godini, Programom poticaja, planiramo sufinansiranje za razvoj poduzetničkih zona u Federaciji BiH. Budžetom je planirano 2.000.000,00 KM. Razlozi za ovu mjeru su višestruki, a prvenstveno zbog dobrih efekata ostvarenih iz prethodnih godina sa aspekta ulaska MSP-a u zone, povećanog novozapošljavanja, kao i velikih zahtjeva JLS za stvaranjem što boljih uslova postojećim i novim investitorima u poslovnim zonama. Primjera radi, u posljedne 5 godine procenat odoberenih zahtjeva JLS u odnosu na ukupan broj aplikacija je oko 30%, dok je slična situacija i kada su u pitanju odobrena sredstva u odnosu na potraživanja. Budžetskim izdvajanjem sredstava za ovaj projekat koristi imaju svi nivoi vlasti ali gradnjom infrastrukture u zonama postojeći i budući investitori.

Osim ovog projekta u planu je i pomoć poduzetničkim potpornim institucijama u Federaciji BiH. Kroz ovu mjeru pruža se podrška razvoju poduzetničke infrastrukture u svrhu ekonomskog rasta i zapošljavanja na lokalnom nivou. Projekti razvoja poslovnih zona i podržavajućih poduzetničkih institucija, također doprinosi realizaciji ekonomskih prioriteta definiranih u strategijama razvoja jedinica lokalne samouprave, te realizaciji prioriteta utvrđenih u strateškim dokumentima Federacije BiH.

Kroz projekat „Poticaji novoosnovanim subjektima MSP“ planiramo pomoći subjektima male privrede koji su se tek registrovali. Ukupna vrijednost raspoloživih sredstava za ovaj projekat je 900.000,00 KM. Cilj projekta je održavanje pozitivnog trenda poduzetničke aktivnosti s aspekta povećanja broja novoosnovanih subjekata male privrede. Kroz projekt će se subvencionirati troškovi registracije i troškova doprinosa za trenutno zaposlene. Iznos bespovratne pomoći za period 2015.-2019. u okviru ovog projekta se kreće oko 3 miliona KM, dok broj novoregistrovanih poslovnih subjekata podržanih grant sredstvima ovog ministarstva u posmatranom periodu iznosi preko 800.

Također kroz projekte planiramo poticati opstanak i razvoj obrta, kao i jačanje konkurentnosti malih i srednjih poduzeća, gdje također imamo ogroman broj prijava, a uz to riječ je o projektu čijom realizacijom ostvarujemo značajne efekte u smislu jačanja konkurentnosti i povećanja zapošljavanja.

Ministarstvo u cilju pružanja finansijske potpore subjektima male privrede realizira i Program „Kreditni poticaji razvoja, poduzetništva i obrta u suradnji s Razvojnou bankom Federacije BiH u iznosu od 1.000.000,00 KM. Kreditna sredstva se plasiraju putem banke, s rokom povrata sredstava na račun banke do sedam godina, grace periodom do dvije godine, uključenih u rok povrata sredstava i kamatnom stopom od 1 %.

Operativni cilj 1.3. Promocija poduzetništva

U sklopu ovog operativnog cilja planiramo organizovanje i sudjelovanje na konferencijama, skupovima, okruglim stolovima, prezentacijama i slično. Kroz rad na izradi planiranih zakona u 2020. godini organizirati će se javne rasprave u cilju izrade što kvalitetnijih dokumenata. U cilju razvoja poduzetništva i porasta zapošljavanja, a u saradnji sa ostalim vladinim i nevladinim institucijama, planiramo vršiti promociju svih vidova poduzetništva.

B. Procjena mogućih problema i rizika

Ako bi došlo do kašnjenja realizacije poticajnih sredstava za podršku subjektima male privrede, to bi negativno uticalo na implementaciju odobrenih projekata korisnika sredstava.

Postoji mogućnost u kašnjenju donošenja planiranih zakona, zbog zastoja u radu zakonodavnih organa Federacije BiH.